

ՀԱՅԱՍՏԱՆԻ ԱՆԿԱՍՈՒԹԵԱՆ ԶԱՏԱԳՈՎՐ

Յ. ՇԱՀԱՄԻՐԵԱՆ

(«ՈՐՈԳՍՅԹ ՓԱՌԱՑ»)

Գրեց՝ ԻՐԱԶԵԿ

Ա.

ԱՆԿԱՍՈՒԹԵԱՆ ԳԱՂԱՓԱՐԸ

Հայաստանի անկախութեան զաղափարը, որին այսօր այնպէս ջերմագին փարել է Հայ ժողովրդի ճնշող մեծամասնութիւնը, մանաւանդ նրա ազգային-քաղաքական կամքը ներկայացնող մեծ կուսակցութիւնը՝ Հ. Յ. Դաշնակցութիւնը, նոր ժամանակների ծնունդ է — ինչպէս թիւրիմացաբար կարծում են ուսմանը: Նա ծնունդ ալտի լինի եւ մեր ցեղի — կամ գոնէ նրա գիտակից մասի — փայփայած երազանքը դարձած հաւանաբար այն օրից, երբ հայ ժողովուրդը իր նախալերջին — Ռուսիանց անկախութիւնից զրկուելով, արեւելեան հպատակի ամենազժնդակ վիճակին դատապարտուեց:

Այն իրողութիւնը, որ Հայաստանի վերջին անկախութիւնը, մեր օրերում, լոյսի պէս յանկարծ, անսպասելիօրէն ծագեց, այն էլ, կարծէք, պատահաբար, մեծ պատերազմի եւ ուսական յեղափոխութեան հետեւանքով, այդ իրողութիւնը շատերին կարծել է տալիս թէ անկախութեան զաղափարը հայ ազգի մտքի ու ձգտումների ծնունդը չի եղել, այլ նրան պատուատուել է զրսից, արհեստականօրէն: Նրանք պարզ ասում են՝ անկախութեան զաղափարը ուրիշները բերին եւ փաթաթեցին մեր վզին:

Փաստը արտաքուստ մասամբ ճիշդ է, բայց ներքուստ — ո՛չ: Ով քիչ-չատ ծանօթ է մեր պատմութեան, անշուշտ, կը համաձայնի մեզ հետ, որ Հայաստանի անկախութեան զաղափարը գալիս է հին դարերից:

Եւ ուրիշ կերպ է՛ր էլ կարող լինել:

Ճշմարտութիւն է, գէթ մեր ներկայ հասկացողութիւնների համաձայն, որ ազգային

անկախութիւնը անհրաժեշտ նախապայմանն է ժողովուրդների կատարեալ կամ ամբողջական ազատութեան — ե՛ւ քաղաքական, ե՛ւ անտեսական-ընկերային, ե՛ւ մշակութային:

Ճշմարտութիւն է նաեւ, որ ժողովուրդների մէջ ազատութեան զաղափարը ծնունդ է նրանց իրական վիճակից, կեանքի բէալ պայմաններից եւ ո՛չ թէ օղի միջից է բունում նա:

Ուրեմն, եզրակացութիւն. —

1. Որ անկախութեան զաղափարն եւս կեանքի ծնունդ է եւ բխում է կեանքի իրական պայմաններից:

2. Որ ազատութեան ձգտող ամէն մի ժողովուրդ նախ եւ առաջ պէտք է ապահովի իր քաղաքական անկախութիւնը, որովհետեւ քաղաքական անկախութիւնը առաջին եւ անհրաժեշտ կայանն է ամբողջական ազատութեան:

Այս տեսակէտից հայ ժողովրդի դրութիւնը, գոնէ իր վերջնութեւր անկախութիւնը կորցրելուց յետոյ, միշտ եղել է այնպէս, մանաւանդ 15-րդ դարից այս կողմ, որ նա չէր կարող չմտածել իր անկախութեան մասին — որպէս վերջնական փրկութեան նախապայմանի: Ասած է՝ զեղն ու դարմանը հիւանդին են պէտք եւ ոչ առողջին: Ազատութիւնն էլ ամենից առաջ պէտք է ստրուկներին եւ իրենց ազատութիւնը կորցրած ժողովուրդներին: Իսկ հայ ժողովուրդը իր անկախութիւնը կորցնելուց յետոյ՝ շարունակ եղել է ստրուկների ստրուկը եւ հպատակներից վատթարագոյնը:

Բաւական է ասել, որ բարձրագիւ մասնը ու մեծ մահմեդական ցեղեր, մէկը միւսից բարբարոս ու դիշատիչ, ուսմանք նրան հարեւան, ուսմանք էլ իրենց անվերջ թափառումների ճանապարհին, եկել, հաստատուել են մեր երկրում եւ ասիական ամէն կարգի վայրենութիւններ գործել: Պատմութիւնը շատ է